



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. II. Quibus actibus Legi satisfiat?

urn:nbn:de:hbz:466:1-40673

facit obligationi restitutionis incertorum, quia hæc est obligatio ex justitia; sed satisfacit obligationi ex voto, quæ gravior est obligatione ex pœnitentia: strictrius enim obligat Religio, quam pœnitentia, ... docet Sanch., & alii apud Bonac.

Si quis tamen teneatur missam audire, vel jejunare ex præcepto Ecclesiæ, ex voto; & ex pœnitentia injuncta, & semel missam audiat, vel jejunet non cogitando ad istas obligationes, censet Sanch. contra Merol., quod satisfaciat tantum obligationi ex præcepto Ecclesiæ; quia opus est indivisible, & videtur gravior obligatio imposta ab Ecclesia, quam obligatio voti contracta ex propria voluntate, aut obligatio orta ex intentione Confessarii; Unde potius debet differri auditio missæ debita ex voto, aut ex præcepto Confessarii, quam debita ex præcepto Ecclesiæ.

ARTICULUS II.

Quibus actibus legi satisfiat?

- I. *Quandonam possit uno, eodemque opere pluribus obligationibus satisfieri?*
- II. *An, & quomodo possit nova supervenientis obligatio cadere super eundem actum alias ex alia virtute prius debitum?*
- III. *Qui tenetur dare eleemosynam, num satisfaciat dando illam extreme indigenti?*
- IV. *Quandonam omissione operis ex multiplici præcepto imposita sit multiplex peccatum in confessione explicandum?*
- V. *Num possit pluribus præceptis satisfiri diversis actionibus positis eodem tempore?*
- VI. *An possit per actum malum præcepto satisfieri?*
- VII. *Datur duplex intentio Legislatoris,*

alia legi intrinseca, seu de re precepta, alia legi extrinseca, seu de fine obtinendo per rem præceptam: Qui solum adversus intentionem legi extrinsecam operatur, legem non transgreditur.

I. **Q**uæritur primo, An possit aliquando uno, eodemque actu satisfieri adæquate pluribus obligationibus, seu præceptis?

Respondeo cum communi, quod si obligationes sint ex justitia, id fieri non possit; si quis enim, verbi gratia, debeat centum Petro ex legato, & centum ob damnum illi injuite illicitum, non potest utrique obligacioni satisfacere solvendo tantum centum; quia non ponaret æqualitatem intentionis a justitia: Contra vero si obligationes sint ex aliis virtutibus, seu ex diversis præceptis, potest unico actu pluribus obligationibus satisfieri: Verbi gratia, si quis voeat jejunare die Sabbati, & eo die incidat pvergilium, potest eodem jejunio utrique obligacioni satisfacere; Quod etiam verum est, si idem injungatur a Confessario in pœnitentiam: Et ratio est, quia obligatio voti, pœnitentiae, & alterius præcepti pendet omnino non ex natura rei, ut obligatio ex justitia, sed a voluntate Legislatoris, qui potest pro libito obligare ad eandem rem alio titulo debitam; Quia tamen obligatio ex justitia oritur ex natura rei, & fundatur in æqualitate rei ad rem, ideo non potest eadem solutione satisfieri pluribus obligationibus ex justitia ortis; Et ratio a priori est, quia strictrius obligat justitia, quæ respicit adæquationem juris alieni, quam aliæ virtutes morales; ut proinde non satisfiat obligationi ex justitia per solutionem probabilem, sicut satisfit obligationi, verbi gratia, recitandi horas per hoc, quod probabiliter recitaveris, aut per hoc, quod illas recites

tes juxta probabilem opinionem, quod tali obligationi satisfiat: Similiter causa sufficiens aliquando ad cooperandum materialiter peccato alterius, quod sit, verbi gratia, contra castitatem, non semper est sufficiens ad cooperandum materialiter peccato alterius, quod sit contra justitiam, eo quod fortius justitia obliget; & ideo duplex debitum ex justitia nullatenus potest eadem solutione extingui; sicut potest aliquando debitum ex aliis virtutibus. Si quis tamen debeat centum ex justitia, & voeat, aut promittat illa solvere, eadem solutione satisfacit obligationi ex justitia, & obligationi ex virtute Religionis, aut fidelitatis; quia ex intentione voentis, aut prominentis pendet obligare se ad solvendum ea centum, quæ debentur, & non alia; At si quis voeat, vel promittat dare alicui liberaliter centum, & debeat eidem centum ex justitia, puta ex contractu oneroso, non potest solvendo tantum centum satisfacere utriusque obligationi, ut patet; quia vovit, vel promisit dare centum liberaliter, seu præter ea, quæ debet ex justitia.

II. Dubium solum est, quandonam nova superveniens obligatio cadere possit super eundem actum ex alia virtute debitum, quando vero expostulet novum actum?

Respondeo, id pendere, ut diximus, ex voluntate Legislatoris, & colligitur ex circumstantiis. Regulariter tamen nova obligatio novum actum expostulat, nisi aliunde constet, Legislatorem contentum esse eodem actu: Unde in casu dubio novus actus ponendus; quia interpretatio talis dubii fieri debet ex communiter contingentibus.

Hinc sequitur primo, quod si tu voeas, vel Confessarius injungat tibi auditionem missæ, non satisfacias his obligationibus audiendo die festo mis-

sam præceptam; quia præsumendum intentionem voentis, & Confessarii esse de imponenda missa distincta ab ea, quæ debetur ex præcepto Ecclesiæ, nisi aliud explicet: Contra vero, si tu voeas, vel injungat tibi confessarius jejunium singulis Sabbatis, certum est, quod si incidat pervigilium die Sabbati, eodem jejunio satisfacias omnibus obligationibus: Immo si voeas, vel Confessarius tibi injungat auditionem missæ singulis diebus per mensem, satisfacias die festo audiendo unum tantum Sacrum; quia non præsumitur, quod per votum, aut per pœnitentiam injungatur in tali casu duplex sacram audiendum die festo, nisi id explicetur; Et eodem modo si habeas votum recitandi officium Divinum quotidie, ascendo ad ordines Sacros satisfacis utriusque obligationi recitando semel officium quotidie. Immo si voeas recitare Officium Beatae Virginis, sicut Pensionarius satisfacit obligationi recitandi officium Beatae Virginis, recitando officium Divinum, ita tu pariter per recitationem officii divini huic voto satisfacis; unde si Ordines Sacros suscipias, recitando officium Divinum satisfacis etiam obligationi voti recitandi officium Beatae Virginis. Et ex Suar. apud Merol., si voeas recitare quotidie Rosarium, & idem imponatur tibi a Confessario, satisfacias recitando semel quotidie Rosarium.

III. Sequitur secundo, quod obligatus ex voto, aut pœnitentia facere eleemosynam non satisfaciat, si det pauperibus, quod debet, ex ablatione incertorum: Nec satisfaceret, ut notat Sanch., si daret fratribus, aut parentibus taliter indigentibus, ut teneatur illis subvenire; tum quia hæc non esset eleemosyna, sed solutio debitilegalis; tum etiam, quia hæc non esset clargitio pauperi, cum non sit pauper, qui habet jus postulandi alimenta.

ta. An autem satisfaciat dando elemosynam extreme indigenti? Negat Suar., & Sayr. apud Pal.; quia nemo censetur vovere, quod aliunde est debitum, ut si voveas audire missam, non est intelligendum votum de missa præcepta; in casu autem nostro ex præcepto misericordiae quilibet tenetur extreme indigenti subvenire: Azor. tamen, Sanch., Henr., Pal. affirmant probatilius; quia ex præcepto misericordiae non debetur absolute elemosyna extreme indigenti, (sicut absolute præcipitur missa die festo) sed debetur ex suppositione, quod non possit alia via tolli indigentia: Sicut enim si dares extreme indigenti, quod debes restituere ex ablatione incertorum, non teneris illi aliam elemosynam erogare, quia aliunde sublata est extrema indigentia; ita si das illi elemosynam debitam ex voto, vel pœnitentia, non teneris illi ex præcepto misericordiae amplius subvenire, cum sit aliunde sublata indigentia.

IV. An autem, quando idem opus duplici præcepto injunctum est, omisso talis operis sit duplex peccatum explicandum in confessione? Dicendum, quod si tale opus imponatur ex duplici præcepto respiciente eandem virtutem, unum tantum peccatum committatur; unde unum peccatum est omittere Sacrum die Dominico, quo incidit festum, verbi gratia, Di vi Mathie, aut omittere jejunium in vigilia Sancti Mathie, quæ incidit in Quadragesima: Contra vero duplex peccatum committitur, si omittatur missa, aut jejunium, quæ debentur tam ex præcepto Ecclesie, quam ex voto, aut ex pœnitentia; quia præcepta ista diversas virtutes respiciunt.

V. Quæritur secundo, An possit pluribus præceptis satisfieri pluribus actibus eodem tempore factis? Verbi gratia, si tenearis ad missam audiendum, & ad recitationem horarum,

poteris ne eodem tempore satisfacere utrique obligationi audiendo missam, & recitando horas?

Respondeo cum communi, quod si actus fiant prout a præcepto exiguntur, possis procul dubio satisfacere pluribus obligationibus ponendo eodem tempore plures actus debitos: Verbi gratia, si voveas orare quotidie per medianam horam, poteris simul audire missam præceptam ab Ecclesia; nisi forte volueris te obligare ad orandum tempore distincto ab aliis orationibus debitis. Ratio est, quia auditio missæ, prout præcipitur, non est incompossibilis cum oratione. Et ideo communiter docent cum Suar., Sanch., Bonac., Henr., Navar., Azor. contra Sylvest., Angel., Rosel. apud Pal., quod possis recitare horas debitas tempore missæ præceptæ; quia attentio debita horis recitandis non impedit attentionem debitam auditio ni missæ; attentio enim ad Deum utriusque operi convenit, & sufficiens est: Præterquamquod experientia constat, quod recitans horas possit testificari de iis, quæ in missa peraguntur, atque adeo stare potest præsentia moralis debita missæ cum attentione debita recitationi horarum.

VI. Quæritur tertio, An possit Legi, vel præcepto satisfieri per actum malum?

Respondeo cum communi affirmative; Si quis enim, verbi gratia, audiat missam cum attentione debita ob finem vanæ gloriae, vel ut videatur, & turpiter ametur a foemina, satisfacit præcepto Ecclesie, quamvis peccet, & auditio illa Missæ sit mala ob finem malum extrinsecum: Et idem dicas, si quis det elemosynam extreme indigenti ob turpem amorem. Ratio est, quia id, quod præcipitur a lege, est solum actus, qui de se sit bonus; vitium autem extrinsecum actui non obstat, quominus res præcepta sit

N

de

Pars I.

de se bona , atque adeo non obstat satisfactioni præcepti . Unde fit , quod si voveas eleemosynam , aut illa tibi in pœnitentiam injungatur , & des pauperi eleemosynam ob vanam gloriam , satisfacias tuæ obligationi , ex Suar . Vasq . , Sanch . lib . I . cap . 14 .

Neque dicas , intentionem voventis , & confessarii esse obligare ad actum bonum , non vitiosum ; Nam votum , & Confessarii imponentes pœnitentiam obligant instar præcepti , atque adeo intendunt obligare ad actum de se bonum : Quamvis autem finis extrinsecus voventis , aut Confessarii , & Legislatoris sit , ut ponatur res Deo grata , & Reipublicæ commoda ; at finis extrinsecus legis , & voti non cadit sub legem , aut sub votum ; aliter qui die jejunii opipare co mederet servando leges jejunii , non satisfaceret sua obligationi , quia non servaret finem extrinsecum imponentis jejunium , qui est maceration carnis ; quod tamen nemo dixerit .

VII. Neque replices , in leg . Non dubium , cod . de Legibus , haberi : *Is in lege delinquit , qui legis verba amplectens contra legis nititur voluntatem , & intentionem .* Nam intentio Legislatoris duplex est , alia intrinseca legi , sive de re præcepta ; alia legi extrinseca , sive de fine obtinendo per rem præceptam : Verbi gratia , dum præcipitur jejunium , & intendit Legislator positionem jejunii , & intendit macerationem carnis per inediām : Qui adversus intentionem legi intrinsecam operatur , non ponendo jejunium , legem transgreditur ; qui vero aduersus intentionem legi extrinsecam operatur , videlicet ponendo jejunium , sed non macerando carnem , legem non transgreditur .

Neque dicas demum , in Reg . 8 . Extravag . de Reg . juris hæc haberi : *Qui ex timore facit præceptum , aliter , quam debeat , facit ; & ideo non facit .*

Nam intelligendum est , quod qui ita ex timore implet præceptum , ut aliter non impleret legem , non implet affectu , & quoad Deum , non vero in effectu , & quoad Ecclesiam :

ARTICULUS III.

An qui non potest implere totum præceptum , teneatur ad partem , quam potest .

I. Difficultas procedit in casu , quo o-
pus præceptum est divisibile ; ut non sunt hora Canonica , jejunium Qua-
dragesimale , &c .

II. Neque est verum , quod nullatenus teneatur ad partem , qui non potest totum præceptum implere ; Neque est verum , quod teneatur ad quamcumque partem , quam potest ; Neque quod solum teneatur ad partem , quando ea est major pars ope-
ris præcepti .

III. In infirmitate vitanda est perplexi-
tas : Extra infirmitatem , si res præ-
cepta soleat dividi , qui non potest totum , tenetur ad quamcumque partem , que sit moraliter integra ; Si vero non soleat dividi , tunc ex-
cusat , quando pars , que non po-
test impleri , non est modica .

IV. Qui nequit integrum missam audi-
re , sed potest audire quoad ejus substan-
tialia , ad id tenetur ; Idem
que dicas de jejunio .

V. Probabilius dicendum , quod im-
pensis implere totum præceptum te-
natur ad partem , quam potest , si
ea sit notabilis , & censeatur in-
tentia a Superiore .

VI. Qui nequit Horas sine socio recita-
re , num teneatur illum abscondere ?
Et num Privilegiarius tempore In-
terdicti teneatur audire Sacrum
die festo ?

I. Cer-